

Stjórnarfundur nr. 10

2. desember 2009 kl.16:00 á skrifstofu HRFÍ

Mættir: Björn Ólafsson, Friðrik Lunddal, Guðríður Valgeirsdóttir, Jóna Th. Viðarsdóttir, Margrét Kjartansdóttir og Valgerður Júlíusdóttir. Auður Sif Sigurgeirsdóttir kom seinna inn á fundinn.

1. Gjaldskrá HRFÍ árið 2010

Samþykkt framlagt skjal með hækkun gjaldskrár.

2. Skýrsla prófstjóra – veiðipróf 500913-500914

A-2324/ A-2325

3. Mast – Skapgerðarmat á hundum við innflutning til Íslands

A-2326

From: Þorvaldur H Þórðarson [mailto:thorvaldur.thordarson@mast.is]

Sent: 25. nóvember 2009 12:53

To: Jóna Th. Viðarsdóttir

Cc: Halldór Runólfsson

Subject: Skapgerðarmat á hundum við innflutning til Íslands.

Sæl Jóna.

Í vor kynnti Matvælastofnun ný viðmið varðandi skapgerðarmat á hundum sem flytja á til Íslands.

Þegar vinna átti eftir þeim reglum sem þá voru kynntar komu ýmsir annmarkar í ljós. Matvælastofnun telur því rétt að skoða málið nánar, einkum m.t. t. útfærslu og þess að viðunandi árangur náist í að nálgast raunhæft og réttmætt mat á skapgerð hvers hunds sem flytja á til landsins og talið er að þurfi slíkt. Í því sambandi var ákveðið að taka málið til endurskoðunar. Enn hefur því í raun ekki verið fallið frá fyrra mati, en aftur á móti málið í heild sinni tekið til frekari skoðunar. Hvort annmarkar þessa kerfis verða sniðnir að okkar þörfum, eða alveg nýtt kerfi notað, er ekki gott að segja til um á þessari stundu. Aftur á móti er það stefnan að vinna að kerfi sem tiltölulega auðvelt er að vinna eftir, en gefur eins raunhæft skapgerðarmat og mögulegt er.

Með kveðju, / Best regards,

Þorvaldur H. Þórðarson / Thorvaldur H. Thordarson

Framkvæmdastjóri inn- og útflutningsmála / Manager of import and export

Inn- og útflutningssmál / Office of Import and Export

4. DÍF – beiðni um skráningu í ættbók

A-2327

Samþykkt

5. Fundarboð á NKU fund í Kaupmannahöfn 13. janúar 2010

Guðríður Valgeirsdóttir er tilbúin til að fara. Jóna ætlar að fara með henni ef hún hefur lausan tíma á eigin kostnað.

6. Schnauzerdeild – skýrsla stjórnar 2009.

7. Erindi frá fuglahundadeild

Á stjórnarfundum þann 10. júní sl. var tekin fyrir beiðni frá fuglahundadeild og neðangrent fært til bókar:

„Beiðni frá Fuglahundadeild

Formaður HRFÍ hitti formann FHD, Ólaf E. Jóhannsson, ásamt Pétri Allan Guðmundssyni í byrjun maí. Sögðust þeir vera að fylgja eftir ályktun ársfundar FHD um að sækjast eftir heimild frá stjórn HRFÍ til að gefa félögum í sérdeildum tegunda í tegundahópi 7 kost á aðild að FDH með fullum félagsréttindum. Yrði sú aðild að vera samþykkt af stjórn FHD.

Tillögur frá FHD:

II. Stofun rætkunardeilda (bætt við nýrri grein, gr.4. verður gr.5)

4. Þegar hópdeild er starfandi ásamt sérdeild innan sama tegundahóps geta meðlimir sérdeilda öðlast kosningarétt og kjörgengi í hópdeild í stað sérdeilda, að fengnu samþykki stjórnar hópdeilda.

III. Stjórn rætkunardeilda

2. (rauðletruð viðbót í fjórðu setningu)

Kosningarétt og kjörgengi á ársfundum deilda hafa þeir sem eru skráðir eigendur hunda eða hafa verið skráður eigendur hunda undanfarin 2 ár í viðkomandi deild, eru skráðir í deildina og skuldlausir við félagið þar ár sem ársfundur er haldinn.

Samþykkt að leita álits lögfræðings hvort að þetta standist félagalög. Samþykkt að leita til Lilju Dóru Halldórsdóttur”

Stjórn HRFÍ hefur til margra ára getað leitað til Lilju Dóru Halldórsdóttur með álitamál. Lilja Dóra er vel að sér í félagarétti og hefur gengt mörgum trúnaðarströfum fyrir HRFÍ m.a. setið í aðalstjórn félagsins. Lilja Dóra sendi okkur neðangreindar hugleiðingar sínar varðandi beiðni fuglahundadeildar og biður okkur um að líta á þær sem innlegg í umræðuna en ekki sem lögfræðiálit þar sem hún á ekki sæti í laganefnd HRFÍ né er starfandi lögmaður í dag:

„Til þess ber fyrst að líta að Hundaræktarfélag Íslands er mjög opið, almennt félag. Samkvæmt samþykktum þess, geta allir þeir orðið félagsmenn sem "áhuga hafa á málefnum HRFÍ og eru ekki félagsmenn í öðrum félögum sem vinna á móti HRFÍ og markmiðum þess, hafa ekki gerst sekir um illa meðferð á dýrum eða á annan hátt vanvirt markmið félagsins eða skaðað orðstýr þess." (grein 5.a). Í sömu grein er einnig tiltekið að kosningarétt og kjörgengi hafi þeir sem greitt hafi félagsgjald sitt.

Helstu markmið félagsins eru talin upp í I. kafla samþykktanna og til að ná markmiðum sínum er m.a. kveðið á um það í grein 3.b, að félagið skuli stofna ræktunardeildir sem standa vörð um ræktun og ræktunarmarkmið hundakynja. Sérstakur kafla í samþykktunum, kafla VII, fjallar síðan um ræktunardeildir, auk þess sem tilgreint er að þær eigi fulltrúa í fulltrúaráði HRFÍ, svo ljóst er að þær eru hluti af grunnstöðum og skipulagi félagsins.

VII kafla samþykktanna setur ramma utan um starfsemi ræktunardeildanna. Í grein 20 (kafla VII) segir að "Meðlimir ræktunardeilda geta þeir einir orðið sem eru fullgildir félagsmenn í HRFÍ. Kosningarétt og kjörgengi á ársfundum ræktunardeilda hafa þeir sem eru skuldlausir við félagið 1. mars ár hvert." Þessi grein er í samræmi við grein 5.a um almennan rétt til félagsaðildar í HRFÍ og kosningarétt og kjörgengi. Þá segir í 21. grein að stjórn HRFÍ skuli setja reglur um stofnun og skipulag ræktunardeilda. Þær reglur þurfa að sjálfsögðu að vera innan þess ramma sem samþykktir HRFÍ setja og mega ekki ganga í berhöggi við þau sjónarmið í félagastarfsemi sem HRFÍ byggir á og fram koma í samþykktum þess.

Stjórn HRFÍ hefur samkvæmt þessu sett sérstakar reglur um starfsemi ræktunardeilda. Í II. kafla þeirra reglna eru þrenns konar ræktunardeildir skilgreindar:

- a) Ræktunardeild um eitt hundakyn sem kallast sérdeild.*
- b) Ræktunardeild um tvö eða fleiri hundakyn sem tilheyra sama tegundahópi og hafa svipaða meðfædda eiginleika kallast hópdeild.*
- c) Í safndeild eru þau hundakyn sem ekki tilheyra sérdeild eða hópdeild.*

Þessar mismunandi tegundir ræktunardeilda eru fyrst og fremst tilkomnar vegna mismunandi fjölda ræktunarhæfra dýra af einstökum hundakynjum og sameiginlegra eiginleika og skyldleika hundakynja sem þykja þá eiga betur saman en önnur.

Stjórn HRFÍ hefur sett takmarkanir umfram þær sem samþykkti félagsins kveða á um, bæði á kosningarétt félagsmanna í ræktunardeildum (einungis félagsmenn sem eiga hund/a af viðkomandi hundakyni/kynjum), og á kjörgengi í ræktunarstjórnir þeirra (einungis félagsmenn sem hafa átt hund/a af viðkomandi hundakyni/kynjum OG hafa verið félagsmenn HRFÍ í a.m.k. 2 ár). Þegar litið er til markmiða HRFÍ og þeirra ákvæða sem samþykktir HRFÍ geyma um ræktunardeildir, má skilja þessar takmarkanir sem viðleitni til að tryggja betur að til trúnaðarstarfa í ræktunarstjórnnum veljist fólk sem hafi þekkingu og áhuga á viðkomandi hundakynjum og þekkingu á starfsemi HRFÍ. Þannig þjóni starfsemi deildanna betur markmiðum sínum skv. samþykktum HRFÍ. Takmarkanirnar eru skýrar, almennar og óhlutrægar, þ.e. eru gagnsæjar og gilda þannig séð jafnt um alla félagsmenn sem geta allir uppfyllt þessi skilyrði með tímanum.

Þær tillögur sem Fuglahundadeild hefur sent stjórn HRFÍ um breytingar á reglum um starfsemi ræktunardeilda eru tvenns konar.

*Annars vegar er eftirfarandi tillaga um breytingu á III. kafla reglanna, um stjórnir ræktunardeilda: (breyting/viðbót er rauðletruð): 2. Kosningarétt og kjörgengi á ársfundum deilda hafa þeir sem eru skráðir eigendur hunda **eða hafa verið skráðir eigendur hunda undanfarin 2 ár** í viðkomandi deild, eru skráðir í deildina og skuldlausir við félagið það ár sem ársfundur er haldinn.*

*Hins vegar er eftirfarandi tillaga um nýtt ákvæði í II. kafla reglnanna um stofnun ræktunardeilda: **4. Þegar hópdeild er starfandi ásamt sérdeild innan sama tegundarhóps, geta meðlimir sérdeilda öðlast kosningarétt og kjörgengi í hópdeild í stað sérdeilda, að fengnu samþykki stjórnar hópdeilda.***

Núverandi 4. grein verði svo 5. grein.

Varðandi fyrri tillöguna, verður ekki séð að hún fari frekar gegn ákvæðum eða anda samþykktu HRFÍ en núverandi takmarkanir skv. reglum um starfsemi ræktunardeilda. Þvert á móti myndi hún rýmka rétt félagsmanna til kosninga og kjörgengis og vel má færa rök fyrir því að hún sé til þess fallin að halda betur þekkingu á viðkomandi hundakynjum og starfsemi HRFÍ, innan deildanna. Þannig geta þeir sem átt hafa hund af viðkomandi hundakyni lengi en t.d. nýlega misst hann, áfram haft kosningarétt og kjörgengi í deildinni.

Síðari tillagan gerir hins vegar ráð fyrir ógagnsærri og matskenndri ákvörðun um kosningarétt og kjörgengi félagsmanns í deild, sem er í alla staði andstæð þeim almennu, gegnsæju og opnu reglum um deildaraðild (-og félagsaðild) sem fram koma í samþykktum HRFÍ. Ekki verður séð að slík matskennd ákvörðun (og að viðkomandi sé útilokaður frá sérdeild með því að "velja" hópdeildina) þjóni svo verulega markmiðum félagsins og starfsemi ræktunardeilda að það réttlæti þessi andstæðu sjónarmið (í félagaréttarlegum skilningi).

Hitt er svo annað mál, að hægt væri að færa rök fyrir því að það sé hæpið að stjórn geti yfir höfuð takmarkað aðild að ræktunardeildum umfram samþykktir félagsins, eins og gert er í starfsreglum ræktunardeilda, sérstaklega þar sem samþykktir HRFÍ kveða á um kosningarétt og kjörgengi á ársfundi þeirra. Sjálfsagt hefði betur farið á því ef aðalfundur HRFÍ hefði breytt samþykktunum fyrst."

Samþykkt að ræða á fulltrúafundinum í kvöld.

8. Tölvupóstur frá stjórn fuglahundadeildar

From: Ólafur Einar Jóhannsson [mailto:Olafur.Einar.Johannsson@or.is]

Sent: 19. nóvember 2009 15:43

To: Valgerður Júlíusdóttir; Hundaræktarfélag Íslands

Subject: Samþykkt stjórnar FHD

Til stjórnar HRFÍ.

Eftirfarandi tilmæli stjórnar HRFÍ sem bárust deildinni þann 10. nóvember sl. voru tekin fyrir á stjórnarfundum í Fuglahundadeild í dag:

„Stjórn HRFÍ óskar eftir að deildir fyrir tegundahóp 7 tilnefni aðila til að vera í vinnuhóp til að yfirfara veiðiprófsreglur fyrir standandi fuglahunda.“

Samþykkt var að tilefna Egil Bergmann í vinnuhópinn, en jafnframt áskilur stjórn FHD sér rétt til að tilnefna fleiri í téðan vinnuhóp ef þurfa þykir.

Jafnframt bendir stjórn FHD á að innan deildarinnar eru sex tegundir fuglahunda, en ein tegund fuglahunda innan hvorrar hinna deildanna tveggja sem tilheyrir tegundahópi 7. Stjórn FHD telur eðlilegt að tillit sé tekið til þess við ákvörðun um fjölda manna í áðurnefndri vinnunefnd.

Stjórn FHD bendir á eðlilegt er að óskað verði eftir aðkomu Dómararáðs HRFÍ að þessu verkefni, enda er þar til staðar mikil þekking á viðfangsefninu.

Óskað er eftir að meðf. samþykkt verði kynnt stjórn HRFÍ á næsta fundi stjórnarinnar, þann 25. nóvember nk.

Samþykkt að fulltrúi vorstehdeildar boði til fundar og hafi yfirumsjón með verkefninu þar sem þetta var þeirra hugmynd.

9. Erindi frá Fuglahundadeild –nýtt viðurkenningarskjal

From: Ólafur Einar Jóhannsson [mailto:Olafur.Einar.Johannsson@or.is]

Sent: 14. október 2009 10:27

To: Jóna Th. Viðarsdóttir

Cc: Pétur Alan Guðm.

Subject: Tillaga og fyrirspurnir

Sæl Jóna.

Á fundi sem við Pétur Alan Guðmundsson áttum með þér í byrjun maí sl. voru nokkur mál til umræðu. Þar á meðal var ósk okkar um að viðurkenningarskjali íslensks veiðimeistara yrði breytt frá því sem nú er, en nokkrir handhafar slíks skjals í okkar röðum hafa gagnrýnt útlit þess harkalega fyrir ljótleikasakir. Á áðurnefndum fundi tók Fuglahundadeild að sér að gera tillögu til stjórnar HRFÍ að nýju viðurkenningarskjali sem félli betur að smekk manna. Tillaga FHD um þetta efni fylgir hér með. Reyndar er lagt til af hönnuði skjalsins að það verði prentað á ákveðna gerð pappírs, en ég læt upplýsingar um það bíða þar til viðbrögð stjórnar HRFÍ við tillögunni koma fram. Tillagan að hinu nýja skjali er í viðhengi.

Samþykkt að nota gamla viðurkenningarskjalið áfram með íslenska fjárhundinum, þ.e. þjóðarhundinum okkar eins og allir norrænu hundaræktarfélagin gera. Hugmyndin af gamla skjalinu kemur þaðan.

10. Fundargerð frá NKU fundi 21.08.09. – Guðríður Þ. Valgeirsdóttir

11. Fulltrúaráðsfundur

12. Augnskoðun

Danski dýralæknirinn Finn Bøserup augnskoðaði 227 hunda í Sólheimkoti 27. og 28. nóvember og 41 hund á Akureyri 29. nóvember.

13. Bréf frá FKK - Svör frá FCI

A-2328

- **vegna bréfs frá NKU til FCI dags. 28.07.2009**

Þar sem beðið var um breytingu á sýningareglum FCI varðandi birtingu á landstílum í sýningaskránnar innan NKU landanna þ.e. sýningastjórn í hverju landi getur ákveðið birtingu annarra titla í sýningaskránnar.

Svar frá FCI: Þessi beiðni er samþykkt.

- **vegna bréfs frá FKK,NKK og SKK dags. 6.02.2009**

Þar sem þess er krafist að þjóðarhundar þessara landa af veiðihundakyni (Group 5 & 6) verði undanþegnir International Show Championship titlinum(CIE). Er þessarar undanþágu krafist fyrir hunda sem eru skráðir og í eigu aðila, sem búsettir í í þessum þremur löndum.

Svar frá FCI: Þessum lið, sem var ræddur á fundi í júlí á þessu ári, hefur verið frestað, þar sem beðið er niðurstöðu umræðu frá General Assembly um CIE. Stjórn FCI hefur ákveðið að umrædd hundakyn geti sótt um titilinn sem stendur. Málið verður rætt í starfshópi, sem skipaður verður af nýjum varaforseta FCI

14. Úrlit úr hlýðni brons 21.11.2009.

Bronspróf var haldið á vegum Vinnuhundadeildar laugardaginn 21. nóvember í Reiðhöll Sigurbjörns Bárðarsonar í Víðidal.

6 hundar mættu í prófið og náðu 4 þeirra bronsprófi.

1. með 172 stig. Kolgrímu Blaze Hólm
2. með 156.5 stig. Ice Tindra Aragon
3. með 149 stig. Odin von den Dolomiten
4. með 139.5 stig. Höfðaborgar Bjartur

Dómari var Sigríður Bílddal.

15. Úrslit úr sporaprófi 28.11.2009.

Laugardaginn 28. nóvember var haldið sporleitarpróf á vegum Vinnuhundadeildar á Hólmsheiði og upp með Nesjavallaleið.

Níu hundar voru skráðir í Spor 1 og náðu 6 hundar fyrstu einkunn.

Schäfer, Gjósku Indriði og Gunnar Dungal fengu 100 stig
Schäfer, Kolgrímu Blaze Hólm og Sírý Halla Stefánsdóttir 92 stig
Golden retriever, Bílddals Braga og Sigríður Bílddal 84 stig
Schäfer, Ice Tindra Aragon og Kristjana Bergsteinsdóttir 80 stig
Schäfer, Kolgrímu Blake Hólm og Ingibjörg Þórisdóttir 78 stig
Border Collie blendingur Ugly og Dagbjört Örvarsdóttir 78 stig

Þrjú hundar voru skráðir í Spor 2 og náðu tveir hundar fyrstu einkunn

Border terrier, Örvikens Pimpinella og Þórhildur Bjartmarz fengu 96 stig
Schäfer, Kolgrímu Bond Hólm og Friðrik Friðriksson fengu 85 stig
Prófdómari var Albert Steingrímsson.

16. Önnur mál

- Greinargerð frá Birni Ólafssyni
- **Tillaga að dómaranema- Sjálfsgagt að hvetja viðkomandi til að sækja um en stjórn hefur ekkert með málið að gera. VJ sendir viðkomandi bréf og hvetur til að sækja um námið.**

- Fundargerð frá FCI General Assembly 5.-6. okt. 2009- **Jóna les yfir og kemur með punkta fyrir næsta fund.**
- Lög/reglur FCI frá 1. janúar 2010- **Jóna les yfir og kemur með punkta fyrir næsta fund.**
- Vinnuskjal stjórnar
- Samþykkt að bera upp á fulltrúaráðsfundi hugmynd um að hafa jólakaffi og opið hús á skrifstofu HRFÍ kl.16-19 fyrir alla félagsmenn

17. Næsti fundur stjórnar verður fimmtudaginn 7. janúar kl.16:00.